

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
Broj:02-11-1806/25-AP-5
Dana, 02.10.2025. godine



Na osnovu člana 12. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), i člana 32. Odluke o izvršenju Budžeta Grada Zavidovići za 2025. godinu („Službeni glasnik Grada Zavidovići“, broj:03/25) Gradonačelnica Zavidovići raspisuje:

K O N K U R S

za dodjelu stipendija redovnim i redovnim samofinansirajućim studentima prvog i drugog ciklusa studija sa prebivalištem na području Grada Zavidovići za akademsku 2024. /2025. godinu

Pravo učešća na konkursu za dodjelu stipendija u akademskoj 2024. /2025. godini imaju redovni i redovni samofinansirajući studenti prvog i drugog ciklusa studija sa prebivalištem na području Grada Zavidovići, koji studiraju na visokoškolskoj ustanovi u Bosni i Hercegovini i inostranstvu pod uvjetima:

- da nisu u radnom odnosu,
- da ne koriste usluge smještaja i ishrane u studentskim domovima,
- da ne primaju stipendiju u/iz BiH po bilo kom drugom osnovu,
- da ne obnavljaju godinu studija,
- da nisu u statusu apsolventa,
- da nisu studenti koji su u akademskoj 2023. /2024. godini ostvarili pravo na stipendiju kao studenti prve godine studija a u akademskoj 2024. /2025. godini su ponovo upisali prvu godinu studija na nekom drugom fakultetu,
- da nisu pohađali istu godinu studija (ranije studiranje ili promjena fakulteta),
- da student ima prebivalište na području Grada Zavidovići.

Uz **uredno popunjenu prijavu** na konkurs studenti su dužni priložiti sljedeću dokumentaciju:

1. Prijava prebivališta (ne starija od šest mjeseci);
2. Uvjerenje da je kandidat prvi put upisao odgovarajuću godinu studija u statusu redovnog studenta (obavezan podatak o ciklusu studija i semestru);
3. Za studente prve godine prvog ciklusa studija svjedodžbe I-IV razreda srednje škole;
4. Za studente prve godine prvog ciklusa studija dokaz o izboru učenika generacije u srednjoj školi;
5. Za studente druge i viših godina prvog ciklusa studija uvjerenje visokoškolske ustanove o svim položenim ispitima tokom cjelokupnog prethodnog studija s izvedenom prosječnom ocjenom, uključujući i ispite položene u akademskoj 2024. /2025. godini;
6. Za studente drugog ciklusa studija uvjerenje visokoškolske ustanove o svim položenim ispitima tokom cjelokupnog prethodnog studija s izvedenom prosječnom ocjenom, uključujući i ispite položene u akademskoj 2024. /2025. godini (kao dokaz o položenim ispitima u prvom ciklusu studija moguće dostaviti dodatak diplomi, ukoliko postoji izvedena prosječna ocjena);

7. Izjava o zajedničkom domaćinstvu-kućna lista (ovjerena u šalter sali grada, ne starija od 6 mjeseci)
8. Dokaz o statusu i primanjima za sve članove domaćinstva (za zaposlene uvjerenje pravnog lica o prosjeku posljednje tri mjesečne plaće, za privatne poduzetnike uvjerenje nadležne porezne ispostave o izmirenim poreznim obavezama vlasnika samostalne djelatnosti i uvjerenje o ostvarenom dohotku za 2024. godinu; za penzionere kopija posljednjeg čeka od penzije; za nezaposlene uvjerenje Službe za zapošljavanje, za nezaposlene koji nisu na evidenciji Službe za zapošljavanje kopija zdravstvene knjižice, za studente u domaćinstvu uvjerenje o statusu.

Napomena: Kandidati čija ukupna mjesečna primanja porodice po članu domaćinstva prelaze 700,00 KM, što znači da ne ostvaruju bodove po osnovu prihoda, nemaju obavezu dostavljanja dokaza o statusu i primanjima za svakog člana domaćinstva, a smatraće se da je dokumentacija potpuna.

9. Dokaz o socijalnom statusu (studenti bez oba roditelja i studenti sa invaliditetom);
10. Dokaz o pripadnosti romskoj nacionalnosti (izvod iz MKR-ih);
11. Ovjerena izjava kandidata da ne prima stipendiju po bilo kojem osnovu u/iZ BiH, da nije u radnom odnosu i da ne koristi usluge smještaja i ishrane u studentskim domovima, te da nije pohađao istu godinu studija tokom ranijeg završenog ili prekinutog studija na nekom od fakulteta,
12. Kopija bankovnog računa.

DOKUMENTI KOJI SE DOSTAVLJAJU KAO DOKAZ O ISPUNJAVANJU USLOVA MORAJU BITI ORIGINAL ILI OVJERENE KOPIJE OSIM ZA ČLANOVE DOMAĆINSTVA MLAĐE OD 6 GODINA

Konkurs ostaje otvoren 15 dana od dana objavljivanja na Oglasnoj ploči i web stranici Grada Zavidovići.

Obrasci prijave (zahtjeva) i izjave mogu se preuzeti na INFO centru Grada Zavidovići i web stranici Grada.

Prijave sa potrebnom dokumentacijom dostavljati putem Pisarnice Grada Zavidovići ili poštom na adresu: Grad Zavidovići, Služba za upravu društvenih djelatnosti, pitanja boraca i opću upravu, ulica Mehmed-paše Sokolovića 9, 72220 Zavidovići, sa naznakom „stipendija“.

Nepotpuna i neblagovremena dokumentacija neće se uzimati u razmatranje.

Dostavljeno:

1. Služba za upravu finansija, budžet i trezor,
2. U spis.

Akt pripremio: _____

(Muamer Hrvic, prof.)

Akt pregledao: _____

(Jasmin Mahmutović, dipl. prav.)

Akt pregledao: _____

(Nermin Čaharević, dipl. prav.)

PO RJEŠENJU GRADONAČELNICE
broj:02-04-3/25-AP-2 od 03.01.2025.godine
SEKRETAR GRADSKOG ORGANA
DRŽAVNE SLUŽBE

Nermin Čaharević, dipl. pravnik